



অবিলম্বে প্রকাশের উদ্দেশ্যে: 5/19/2022

গভর্নর ক্যাথি হোকল

স্টেট পার্ক, ট্রেইল, ঐতিহাসিক স্থান ও সরকারি ভূমি সম্পর্কিত অংশীদার সংস্থাগুলোর
জন্য গভর্নর হোকলের 900,000 ডলারের অনুদান ঘোষণা

*নিউ ইয়র্ক জুড়ে 27টি প্রকল্পে সহায়তার জন্য বেসরকারি ও সরকারি তহবিল কাজে
লাগানো হবে*

গভর্নর ক্যাথি হোকল আজ স্টেট পার্ক, ট্রেইল, ঐতিহাসিক স্থান ও সরকারি ভূমির
স্টুয়ার্ডশিপের সাথে সম্পৃক্ত 27টি অলাভজনক সংস্থাকে সহায়তার জন্য 900,000 ডলার বরাদ্দ
প্রদানের কথা ঘোষণা করেছেন। এই অনুদান ক্যাপিটাল প্রকল্পগুলোর জন্য বেসরকারি তহবিল
উত্তোলন করা, রক্ষণাবেক্ষণ সম্পন্ন করা এবং সৌন্দর্যবর্ধনের ব্যবস্থা করা, শিক্ষামূলক কর্মসূচি
সরবরাহ করা, এবং বিশেষ অনুষ্ঠান আয়োজন করার মাধ্যমে জনসাধারণের দ্বারা পার্কগুলো
ব্যবহৃত হওয়ার প্রসার ঘটানো ইত্যাদি প্রচেষ্টার ক্ষেত্রে অংশীদার গ্রুপগুলোকে সহায়তা করবে।

"তৃণমূল পর্যায়ের এসব সংস্থা আমাদের স্টেট পার্ক, ঐতিহাসিক স্থান, ট্রেইল ও সরকারি
ভূমিগুলোর স্টুয়ার্ডশিপ ও কর্মসূচির অসাধারণ মূল্যবান অংশ, এবং এসব প্রচেষ্টায় সহায়তা
করতে পেরে আমরা গর্বিত," **বলেছেন গভর্নর হোকল।** "এসব নিবেদিত পার্কের অংশীদার
সংস্থাগুলোর মতো একইভাবে, নিউ ইয়র্ক স্টেট পার্ক ও পরিবেশের সুরক্ষার জন্য রেকর্ড
পরিমাণ তহবিল সঙ্গে নিয়ে সরকারি ভূমিগুলোর প্রতি একটি শক্তিশালী অঙ্গীকার গ্রহণ করছে।
গ্রীষ্মকাল শুরু হতে যাওয়ার এই সময়ে এই তহবিল ঘরের বাইরের চমৎকার পরিবেশে যেসব
অসংখ্য নতুন সুযোগ-সুবিধা নিয়ে আসবে আমি সেগুলোর জন্য অধীর আগ্রহ নিয়ে অপেক্ষা
করছি।"

পার্ক ও ট্রেইল অংশীদারিত্ব অনুদান (Park and Trail Partnership Grants) কর্মসূচির জন্য
অর্থায়ন করছে স্টেটের
পরিবেশ সুরক্ষা তহবিল (Environmental Protection Fund)। অলাভজনক অ্যাডভোকেসি গ্রুপ
পার্কস এন্ড ট্রেইলস নিউ ইয়র্কের সাথে অংশীদারিত্বে অনুদান পরিচালিত হয়। সপ্তম রাউন্ডের
এই অনুদানের সঙ্গে 250,000 ডলারেরও বেশি বেসরকারি অনুদান ম্যাচ করা হবে। অনুদান
গ্রহীতাদের অবশ্যই প্রাপ্ত অনুদানের পরিমাণের কমপক্ষে 10 শতাংশ তহবিল বাইরে থেকে
সংগ্রহ করতে হবে।

স্টেট পার্কস কমিশনার এরিক কুলেসেইড বলেন, "স্টেট পার্ক ফ্রেন্ডস গ্রুপ ও স্বেচ্ছাসেবকরা আমাদের পার্ক ব্যবস্থার পিছনের একটি বিশাল শক্তি। এসব অনুদান নিউ ইয়র্ক ব্যাপী পার্ক, ঐতিহাসিক স্থান ও ট্রেইলগুলো উন্নত করতে আরো বেশি অবদান রাখতে আমাদের অংশীদারদের শক্তি ও মেধা কাজে লাগাতে সাহায্য করবে।"

স্টেটের পরিবেশ সংরক্ষণ বিভাগের (Department of Environmental Conservation) কমিশনার বাসিল সেগোস বলেন, "DEC-এর পরিবেশ বিষয়ক শিক্ষা ও কর্মসূচি বৃদ্ধি করা এবং স্টেটের ভূমিগুলোতে সংরক্ষণ ও অ্যাক্সেস প্রকল্পগুলো এগিয়ে নেওয়ার জন্য ফ্রেন্ডস গ্রুপ ও অলাভজনক সংস্থাগুলোর মতো অংশীদারদের কাজ অত্যন্ত গুরুত্বপূর্ণ। গভর্নর হোকলের এবং আজ ঘোষিত 900,000 ডলার অনুদানের সৌজন্যে, এই গুরুত্বপূর্ণ কাজটি স্টেটের ভূমি, পানি ও ফ্যাসিলিটিগুলো উন্নত করতে আরো বেশি ভূমিকা রাখতে পারবে।"

পার্কস এন্ড ট্রেইলস নিউ ইয়র্ক (Parks & Trails New York)-এর এক্সিকিউটিভ ডিরেক্টর রবিন ড্রপকিন বলেন, "আরো বেশি থেকে বেশি লোক ঘরের বাইরের পরিবেশ আবিষ্কার করা এবং আমাদের পার্ক, ট্রেইল, ও সরকারি ভূমিগুলোতে দর্শনার্থী বৃদ্ধি পাওয়ার সাথে সাথে, শক্তিশালী সরকারি/বেসরকারি অংশীদারিত্বের প্রয়োজন আগের যেকোনো সময়ের চেয়ে বৃদ্ধি পেয়েছে। পার্ক এন্ড ট্রেইল অংশীদারিত্ব অনুদান এসব অতি গুরুত্বপূর্ণ অংশীদারিত্বের মধ্যে ফ্রেন্ডস গ্রুপের ভূমিকা শক্তিশালী করতে সাহায্য করবে।"

স্টেট সিনেটর জোসে এম. সেরানো বলেন, "স্টুয়ার্ডশিপ, সংরক্ষণ এবং আরো বেশি সংখ্যক লোককে প্রকৃতির সঙ্গে সংযোগ করিয়ে দেওয়া আমাদের স্টেট পার্ক সিস্টেমের একটি কেন্দ্রীয় বিষয়, এবং এসব প্রচলনের প্রসার ঘটানোর জন্য আমাদের ফ্রেন্ডস গ্রুপগুলোর ভূমিকা অপরিহার্য। আমাদের স্টেট পার্কগুলোতে অংশগ্রহণ ও অ্যাক্সেস সম্প্রসারণ করতে আজকের অনুদান প্রদানের এই ঘোষণার জন্য আমি পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation) এবং পার্কস এন্ড ট্রেইলস NY-কে অভিনন্দন জানাই।"

অ্যাসেসম্বলি সদস্য ড্যানিয়েল ও'ডনেল বলেন, "আমাদের পার্কগুলোতে এসব চমৎকার বিনিয়োগ নিউ ইয়র্কবাসীদের জীবনে এসব জায়গা যে গুরুত্বপূর্ণ ভূমিকা পালন করে তার প্রতিফলন ঘটায়, এবং আগামী বছরগুলোতে দর্শনার্থীদের জন্য সেগুলো উদ্দীপনাপূর্ণ ও আকর্ষণীয় থাকা নিশ্চিত করবে। ঘরের বাইরের পরিবেশের প্রতি আমাদের স্টেটের অঙ্গীকারাবদ্ধতার জন্য আমি গর্বিত, এবং আমাদের সরকারি জায়গাগুলো রক্ষণাবেক্ষণ করা, উন্নত করা, ও উদযাপন করার কাজে যারা সাহায্য করেছেন সেসব স্থানীয় নেতৃত্বকে আমি ধন্যবাদ জানাই।"

অনুদানপ্রাপ্তদের মধ্যে রয়েছে:

রাজধানী অঞ্চল

- আলবানি-হাডসন ইলেক্ট্রিক ট্রেইলের কলম্বিয়া কাউন্টি সংলগ্ন অঞ্চলে আটটি পার্ক বেঞ্চ স্থাপনের জন্য কলম্বিয়া ফ্রেন্ডস অব দ্য ইলেক্ট্রিক ট্রেইল (Columbia Friends of the Electric Trail) (8,600 ডলার)।
- একটি কিয়স্ক ও ব্যাখ্যামূলক সাইন অন্তর্ভুক্ত থাকবে এমন একটি নতুন ট্রেইলহেড দিয়ে একটি অ্যাক্সেসযোগ্য ট্রেইল স্থাপনের জন্য ফ্রেন্ডস অব মোরিউ লেক স্টেট পার্ক (Friends of Moreau Lake State Park) (48,928 ডলার)।
- হাডসন নদীতে প্রবেশ করেছে এমন একটি শাখা-নদীর উপর যথাযথ আকারের চেয়ে ছোট আকারের একটি কালভার্ট প্রতিস্থাপন করতে প্রকৌশল পরিকল্পনা ও স্পেসিফিকেশন প্রণয়ন করার জন্য আপার হাডসন নর্দান ক্যাটসকিল প্রাকৃতিক সম্পদ ট্রাস্ট (Upper Hudson Northern Catskill Natural Resource Trust) বা গ্রিন ল্যান্ড ট্রাস্ট (Greene Land Trust) (8,800 ডলার)।

Central New York

- একটি কিয়স্ক ও পথের ধারে শিক্ষামূলক সাইন সহ পার্কিং লট থেকে প্যাভিলিয়ন, রেস্টরুম, ও লেকের উপকূল পর্যন্ত চলে যাওয়া সম্পূর্ণ অ্যাক্সেসযোগ্য একটি ট্রেইল তৈরির জন্য ফ্রেন্ডস অব মেক্সিকো পয়েন্ট পার্ক (Friends of Mexico Point Park) (30,592 ডলার)।

ফিঙ্গার লেকস

- পরিবেশবান্ধব উপকরণ ব্যবহার করে বোটহাউজ ও DEC-এর জায়গাগুলো থেকে রোয়িং ডক পর্যন্ত অ্যাক্সেস প্রদান করবে এমন একটি পুরোপুরিভাবে অ্যাক্সেসযোগ্য পথ স্থাপন করার জন্য রচেস্টার ইনক্লুসিভ কমিউনিটি রোয়িং (Rochester Inclusive Community Rowing) (11,592 ডলার)।
- পার্কের আর্কাইভ ও সংগ্রহ ডিজিটাল ধরনে রূপান্তর করার জন্য সনেনবার্গ গার্ডেন্স ও ম্যানশন স্টেট হিস্টোরিক পার্ক (Sonnenberg Gardens and Mansion State Historic Park) (12,568 ডলার)।
- আপার ফলস এলাকায় সিভিলিয়ান কনজারভেশন কর্পস (Civilian Conservation Corps)-এর ইতিহাস পুনরুদ্ধার ও সংরক্ষণ করার জন্য ফ্রেন্ডস অব লেচওয়ার্থ স্টেট পার্ক (Friends of Letchworth State Park) (10,750 ডলার)।
- ট্রেইল ব্যাপী বিপণন, ব্যবসা প্রতিষ্ঠান আকৃষ্টকরণ ও প্রবৃদ্ধি, এবং অতি গুরুত্বপূর্ণ ট্রেইল থেকে টাউন পর্যন্ত সংযোগ সম্পূর্ণ করতে সমর্থন প্রদান ও তহবিল উত্তোলন ইত্যাদির উপর জোর দেওয়া গিনিস ভ্যালি ট্রেইল টাউন ইনিশিয়েটিভের (Genesee Valley Trail Town Initiative) জন্য পেশাগত, কমিউনিটি-পর্যায়ের সমন্বয় ও কারিগরি সহযোগিতার ক্ষেত্রে সহায়তা প্রদান করতে ফ্রেন্ডস অব দ্য গিনিস ভ্যালি গ্রিনওয়ে (Friends of the Genesee Valley Greenway) (60,000 ডলার)।

হাডসন ভ্যালি

- সংস্থার উন্নয়ন কার্যকলাপ মূল্যায়ন, পরিমার্জন, ও বাস্তবায়ন করতে একজন উন্নয়ন কর্মকর্তা নিযুক্ত করা এবং বড় ধরনের উপহারদাতা ও সম্ভাবনাময় ব্যক্তিদের শনাক্ত, লালন, অনুরোধ, ও তত্ত্বাবধান করার জন্য ব্যানারম্যান ক্যাসল ট্রাস্ট (Bannerman Castle Trust) (100,000 ডলার)।
- স্ট্যাটসবার্গ স্টেট হিস্টোরিক সাইটে (Staatsburgh State Historic Site) লাইব্রেরির জন্য ঐতিহাসিক ঝালর পুনরায় তৈরি করতে ঐতিহাসিকভাবে নির্ভুল উপকরণ ক্রয় করার জন্য ফ্রেন্ডস অব মিলস ম্যানশন (Friends of Mills Mansion) (32,000 ডলার)।
- কিপার'স হাউজ ভিজিটর সেন্টারের (Keeper's House Visitor Center) বাহ্যিক অবস্থা এবং ভবনটির ADA কমপ্লায়েন্ট প্রবেশপথের ব্যবহারযোগ্যতা ও আকর্ষণ উন্নত করতে এবং একইসাথে দর্শনার্থীদেরকে অ্যাকিউডাক্ট-এর কার্যক্রম আরো ভালোভাবে অনুধাবন করতে সাহায্য করার জন্য ক্রোটন ড্যাম থেকে একটি তোরণ ও মেকানিক্যাল ডিভাইস স্থাপন করার জন্য ফ্রেন্ডস অব দ্য ওল্ড ক্রোটন অ্যাকিউডাক্ট (Friends of the Old Croton Aqueduct) (26,427 ডলার)।
- কমিউনিটির সদস্য, দাতা, ও স্বেচ্ছাসেবকদের সাথে যোগাযোগ করতে এবং অনুষ্ঠান, নিউজলেটার, ও সম্বোধনের মাধ্যমে অধিকতর গভীর সম্পৃক্ততা তৈরি করতে একজন কমিউনিটি আউটরিচ কোঅর্ডিনেটর (Community Outreach Coordinator) নিযুক্ত করার জন্য লিটল স্টোনি পয়েন্ট সিটিজেন্স অ্যাসোসিয়েশন (Little Stony Point Citizens Association) (16,200 ডলার)।
- কমিউনিটিতে প্রচারকার্য পরিচালনার সক্ষমতা উন্নত করবেন এবং স্টোনি কিল ফার্মের (Stony Kill Farm) ও এর সংশ্লিষ্ট ট্রেইলগুলোর স্টুয়ার্ডশিপের জন্য স্বেচ্ছাসেবকদের সম্পৃক্ত করবেন এমন স্বেচ্ছাসেবী ও আউটরিচ ম্যানেজার নিয়োগ করার জন্য স্টোনি কিল ফাউন্ডেশন (Stony Kill Foundation) (76,104 ডলার)।
- হাই স্কুলের শিক্ষার্থীদের জন্য একটি পাইলট মেন্টর কর্মসূচি তৈরি করতে এবং বিজ্ঞান ও ইতিহাস বিষয়ে হাতে-কলমে শিক্ষাদান করতে গ্রেড 4-এর আরো বেশি শিক্ষার্থীদের নিয়ে আসার প্রচেষ্টার জন্য তহবিল প্রদান করতে, এবং সেইসাথে দীর্ঘমেয়াদী প্রভাব মূল্যায়নের জন্য অতীত কর্মসূচির অংশগ্রহণকারীদের নিয়ে একটি পর্যবেক্ষণমূলক অধ্যয়ন পরিচালনা করার জন্য ফ্রেন্ডস অব রকল্যান্ড লেক এন্ড হুক মাউন্টেন (Friends of Rockland Lake and Hook Mountain) (68,000 ডলার)।

Long Island

- ট্রাউটের বংশবিস্তার, পরিচর্যা ও খাবার খাওয়ানো দেখা, এবং জলস্রোত পুনরুদ্ধারের সাথে সম্পৃক্ত কাজ সম্পর্কে জানার জন্য হ্যাচারি ভবনের

পর্যবেক্ষণ ডেকে একটি ব্যাখ্যামূলক প্রদর্শনীর নকশা প্রণয়ন ও সেটি স্থাপন করার জন্য ফ্রেন্ডস অব কনেটকোটি (Friends of Connecticut) (41,000 ডলার)।

- সংস্থার প্রশাসনিক ও প্রযুক্তিগত অবকাঠামো হালনাগাদ করার মাধ্যমে সক্ষমতা বৃদ্ধি করার জন্য লং আইল্যান্ড গ্রিনবেল্ট ট্রেইল কনফারেন্স (Long Island Greenbelt Trail Conference) (25,670 ডলার)।

নিউ ইয়র্ক সিটি

- পার্কের উচ্চ ব্যবহারের কারণে গ্যান্ট্রি প্লাজা স্টেট পার্কে (Gantry Plaza State Park) দেখা দেওয়া ল্যান্ডস্কেপ সংক্রান্ত বিভিন্ন সমস্যার প্রতিকারের জন্য ফ্রেন্ডস অব গ্যান্ট্রি প্লাজা স্টেট পার্ক (Friends of Gantry Plaza State Park) (15,500 ডলার)।

North Country

- নিউ ইয়র্কের সর্বোচ্চ পর্বত, মাউন্ট মার্সিতে যাওয়ার পূর্ব পাশের পথগুলোর মধ্যে একটি, ফেলপস ট্রেইলে টেকসই ট্রেইল সংস্কারকাজ সম্পন্ন করার জন্য অ্যাডিরনড্যাক মাউন্টেন ক্লাব (Adirondack Mountain Club) (14,750 ডলার)।
- ফায়ার টাওয়ার ল্যান্ডিং এর মেরামত এবং স্থানীয় পাবলিক স্কুলগুলোতে প্রচারকার্য সম্পন্ন করতে অ্যাডার মাউন্টেন ফ্রেন্ডস (Azure Mountain Friends) (3,600 ডলার)।
- জন ব্রাউন ফার্ম স্টেট হিস্টোরিক সাইটের (John Brown Farm State Historic Site) ফ্রেন্ডস গ্রুপের কার্যকারিতা ও স্থায়িত্ব নিশ্চিত করবে এমন একটি অভিনব কৌশলগত পরিকল্পনা প্রক্রিয়ার মাধ্যমে সক্ষমতা গড়ে তোলার জন্য জন ব্রাউন লিভিস (John Brown Lives)! (26,500 ডলার)।

সাউদার্ন টিয়ার

- ঐতিহাসিক ওল্ড মিলের ছাদ প্রতিস্থাপনের জন্য ফ্রেন্ডস অব রবার্ট এইচ. ট্রিম্যান স্টেট পার্ক (Friends of Robert H. Treman State Park) (36,140 ডলার)।
- প্রাপ্তবয়স্ক ও প্রবীণদের প্রতি বিশেষ জোর দিয়ে শিক্ষার্থীদের, তরুণদের, পরিবারগুলোর, এবং বিশেষভাবে আগ্রহী গ্রুপগুলোর জন্য শিক্ষামূলক কর্মসূচি প্রণয়ন করবেন, নেতৃত্ব দিবেন, ও সংগঠিত করবেন এমন একজন পরিবেশ বিষয়ক শিক্ষকের পদ তৈরির জন্য ফ্রেন্ডস অব রজার্স (Friends of Rogers) (80,000 ডলার)।

ওয়েস্টার্ন নিউ ইয়র্ক

- ঐতিহাসিক রেড হাউজ সিমিল (Red House Sawmill) সংস্কারের জন্য ফ্রেন্ডস অব অ্যালিগান স্টেট পার্ক (Friends of Allegany State Park) (23,400 ডলার)।
- প্রভাব: কিভাবে সংস্থার বৃদ্ধি ঘটানো ও টিকিয়ে রাখা যাবে সে সম্পর্কে কনসাল্ট্যান্ট এর সহায়তা নিয়ে তিন থেকে পাঁচ বছর মেয়াদী একটি রোডম্যাপ প্রস্তুত করার জন্য ফ্রেন্ডস ইমপ্রুভিং অ্যালিগানি কাউন্টি ট্রেইলস (Friends Improving Allegany County Trails) (10,000 ডলার)।
- ঐতিহাসিক থিয়েটারের সিলিং সংস্কারের জন্য ন্যায়াগ্রা পোস্ট থিয়েটার (Niagara Post Theater) (30,379 ডলার)।
- 18তম শতাব্দীর দুইটি আইকনিক ঐতিহাসিক দুর্ভেদ্য কাঠামো সংস্কারের জন্য ওল্ড ফোর্ট ন্যায়াগ্রা অ্যাসোসিয়েশন (Old Fort Niagara Association (75,000 ডলার)।

2023 অর্থবছরের প্রণীত বাজেটে, জলবায়ু পরিবর্তন প্রশমন ও অভিযোজনের প্রচেষ্টায় সহায়তা করা, টেকসই কৃষির প্রসারের জন্য কৃষি সংস্থানগুলোর উন্নয়ন, আমাদের পানির উৎসগুলো সুরক্ষিত রাখা, সংরক্ষণের প্রচেষ্টা এগিয়ে নেওয়া, এবং নিউ ইয়র্কবাসীদের জন্য চিত্তবিনোদনের সুযোগ-সুবিধা সরবরাহ করার জন্য রেকর্ড সৃষ্টিকারী 400 মিলিয়ন ডলারের পরিবেশ সুরক্ষা তহবিলের অংশ হিসেবে পার্ক ও ট্রেইল অংশীদারিত্ব অনুদান তহবিলের পরবর্তী রাউন্ডের জন্য 2 মিলিয়ন ডলার বরাদ্দ করা হয়েছে। সেইসাথে, এই বাজেটে স্টেট পার্কগুলোর জন্য বরাদ্দকৃত তহবিলের পরিমাণ 140 মিলিয়ন ডলার বৃদ্ধি করে মোট 250 মিলিয়ন ডলারে উন্নীত করা হয়েছে। এই বর্ধিত অংশ নিউ ইয়র্ক স্টেটের পার্কগুলোর বৃদ্ধি ও উন্নয়নের জন্য বিনিয়োগ করা হবে। উল্লেখযোগ্য মাত্রার এই বিনিয়োগ নিউ ইয়র্কের ফ্ল্যাগশিপ পার্কগুলোর চলমান রূপান্তরে সাহায্য করবে এবং পার্কের সিস্টেমজুড়ে গুরুত্বপূর্ণ অবকাঠামো প্রকল্পগুলোকে সহায়তা করবে।

পার্কস এন্ড ট্রেইলস নিউ ইয়র্ক নিউ ইয়র্কের পার্ক ও ট্রেইলগুলোর জন্য স্টেটব্যাপী শীর্ষ সমর্থক, যা সরকারি-বেসরকারি অংশীদারিত্ব শক্তিশালী করা এবং সবুজ স্থান ব্যবহার ও উপভোগের মাধ্যমে নিউ ইয়র্কবাসীদের স্বাস্থ্য, অর্থনীতি, ও জীবনযাপনের মান উন্নত করার জন্য তৃণমূল পর্যায়ের গ্রুপগুলোর সাথে 35 বছর ধরে কাজ করে যাচ্ছে। আরো তথ্যের জন্য ভিজিট করুন www.ptny.org।

নিউ ইয়র্ক স্টেটের পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation Historic Preservation) 250টিরও বেশি স্বতন্ত্র পার্ক, ঐতিহাসিক স্থান, চিত্তবিনোদনমূলক ট্রেইল ও বোট লঞ্চার দেখাশোনা করে, যেগুলোতে বছর 78 মিলিয়ন দর্শনার্থী ভিজিট করে থাকে। স্টেট পার্কের চিত্তবিনোদনের এলাকা সম্পর্কে আরো তথ্য পেতে 518-474-0456 নম্বরে ফোন করুন অথবা ভিজিট করুন parks.ny.gov ঠিকানায়, [ফেসবুকে \(Facebook\)](https://www.facebook.com/ptny) সংযুক্ত হোন অথবা [টুইটারে \(Twitter\)](https://twitter.com/ptny) অনুসরণ করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418